



OBRADOIROS TRANSDISCIPLINARES PARA EDUCACIÓN INFANTIL, PRIMARIA E SECUNDARIA 2022

Como resultado da renovación do convenio de colaboración entre o Colexio Oficial de Arquitectos de Galicia e a Consellería de Medio Ambiente, Territorio e Vivenda, coa incorporación da Axencia de Protección da Legalidade Urbanística como entidade cofinanciadora do ProxectoTERRA queremos facervos chegar a convocatoria de Sementeiras - Obradoiros transdisciplinares 2022 para Educación Infantil e Primaria e Secundaria, **a desenvolver nos meses de outubro e novembro de 2022**, co obxectivo de que se poidan incorporar nas programacións dos centros educativos.

O ProxectoTERRA é un proxecto do Colexio de Arquitectos de Galicia dirixido ás distintas etapas educativas co fin de contribuír a mellorar a formación que a poboación escolar galega debe ter sobre as xentes, os espazos e os lugares que habitamos. Trata de **crear poboación crítica e propositiva sobre o noso medio construído para acadar unhas mellores condicións de vida** para todas as persoas, atendendo á premisa do **Dereito ao Hábitat**.

A presente convocatoria enmárcase dentro do **programa 18. ProxectoTERRA do Plan Proxecta+ 2022/2023**, unha iniciativa da Consellería de Cultura, Educación e Universidade en colaboración con diferentes organismos, dirixida a fomentar a innovación educativa nos centros a través de programas educativos que fomenten o traballo cooperativo, interdisciplinar e competencial. Un dos principais obxectivos deste plan é promover a realización de proxectos interdisciplinares que fomenten o **papel activo do alumnado ante os desafíos sociais, económicos e medioambientais da sociedade actual e do futuro** e poidan servir de modelo de traballo ou de boa práctica, tanto para o propio centro en que se orixinan como para o resto da comunidade educativa galega.



O obxectivo do programa é que o alumnado perciba o hábitat humano desde as diferentes perspectivas que abordan os materiais elaborados e postos á disposición da comunidade educativa desde o ProxectoTERRA. O hábitat estúdase afondando en diferentes aspectos, como son a paisaxe, o territorio, o urbanismo, a arquitectura ou o medio ambiente, dependendo do enfoque escollido en cada proxecto desenvolvido nos centros, aínda que sempre é ben considerado que se aborde un proxecto desde diversas perspectivas e se chegue a formular e desenvolver un proxecto interdisciplinar.

OBXECTIVO DA CONVOCATORIA SEMENTEIRAS

Mediante a presente convocatoria, desde o ProxectoTERRA queremos chegar **a todos os centros galegos de Educación Infantil, Primaria e Secundaria** unha serie de obradoiros prácticos dirixidos ao alumnado de todas as etapas educativas: as Sementeirias. A través das Sementeirias poderanse desenvolver os contidos que o ProxectoTERRA ofrece a toda a comunidade educativa a través de materiais e formación, así coma os contidos expostos na convocatoria do Plan Proxecta+ 2022/2023, no [programa 18. ProxectoTERRA](#).

As Sementeirias serán obradoiros desenvolvidos por entidades galegas externas ao ProxectoTERRA e **non terán custo de inscrición para os centros educativos**. Nestes obradoiros abordaranse os contidos do programa arriba citado, adecuándoos ás características e idade do alumnado aos que irán dirixidos, así como ás necesidades do centro, na medida que a proposta o permita.

Os contidos desenvolvidos nas Sementeirias servirán de base para comezar a traballar ou afondar nas temáticas que abranguen, de xeito que o alumnado e profesorado poderán aproximarse a novas ideas, prácticas e dinámicas coas que abordar eses contidos.

Ademais, por medio das Sementeirias chegaranse especialistas nas materias tratadas aos centros educativos e darase a coñecer o seu traballo neles, de modo que poidan agromar novos vínculos e colaboracións. Estas Sementeirias servirán de base para que que medren novas redes de transmisión de coñecementos que se poidan continuar alimentando no futuro, nacendo así novas sinerxías en toda a comunidade educativa galega.

As **liñas de traballo** que abordarán os diferentes obradoiros serán as seguintes:

- Intervencións no espazo educativo
- Educación en arquitectura e urbanismo
- Educación en artes
- Patrimonio
- Identidade territorial e paisaxe
- Dereito ao hábitat
- Desenvolvemento sustentable
- Enfoque ecosocial

Por medio destes obradoiros trataranse de desenvolver as seguintes **competencias chave**:

- Competencia en comunicación lingüística
- Competencia matemática e competencia en ciencia, tecnoloxía e enxeñería
- Competencia persoal, social e de aprender a aprender
- Competencia cidadá



- Competencia en sentido de iniciativa e espírito emprendedor
- Competencia en conciencia e expresións culturais

SEMENTEIRAS

As opcións dos diferentes obradoiros que se poden solicitar son as seguintes:

NOME DA SEMENTEIRA	IMPARTIDA POR
Sementeira 1. Triangulando	Createctura
Sementeira 2. Bois	
Sementeira 3. Trazo, corpo e movemento.	
Sementeira 4. Transforma a túa aula	
Sementeira 5A. Procesos e formas na cidade ou vila: Debuxa o teu barrio: habitar, desprazarse, traballar, desfrutar o tempo de lecer (obradoiro na aula)	Marta Somoza e Juan Aragonés COLECTIVO RE.CREO
Sementeira 5B. Procesos e formas na cidade ou vila: Reelaborando a paisaxe urbana. Morfoloxía da cidade ou vila e a súa percepción (obradoiro na aula)	
Sementeira 5C. Procesos e formas na cidade ou vila: Detectives na rúa: a evolución das formas no tempo	
Sementeira 5D. Procesos e formas na cidade ou vila: Redes ocultas: os fluxos de persoas, materias, enerxías e ideas (obradoiro excursión)	
Sementeira 5E. Procesos e formas na cidade ou vila: Construír cos sentidos: o ambiente da cidade. (obradoiro na aula)	
Sementeira 6. O mundo muda	
Sementeira 7. Chega só coa reciclaxe?	
Sementeira 8. O dereito ao rural: catro elementos	Outonía S. Coop. Galega
Sementeira 9. De onde vén o que consumimos?	
Sementeira 10A. DioLAB - 150 min	
Sementeira 10B. DioLAB - 100 min	Ladislau Rodríguez e Freire LADISLAU DA REGUEIRA
Sementeira 11. Acción Artística Contemporánea	
Sementeira 12. No territorio o esencial as veces non se ve.	Laura Rey Rico y Carlos A. Fernández Balado
Sementeira 13. Territorios creativos: paisaxe e sostibilidade	taller aberto
Sementeira 14. Construindo a paisaxe	LOTO Arquitectura
Sementeira 15. Arquitectura y movimiento	Samuel galan aira Lonely driverz



NOME DA SEMENTEIRA	IMPARTIDA POR
Sementeira 16. Obradoiros científicos e sensoriais sobre materiais e construción natural	SeteOitavas S. Coop. Galega
Sementeira 17. Obradoiros científicos sobre materiais e construción natural	
Sementeira 18. Tapia, unha construción natural e patrimonial	
Sementeira 19. Animais arquitectos	T R E E S _ Ecosistemas
Sementeira 20. Arquitectura e corpo. O espazo como pel.	
Sementeira 21A. TransFORMANDO... A NOSA VILA/ CIDADE	
Sementeira 21B. TransFORMANDO... O NOSO CENTRO	
Sementeira 21C. TransFORMANDO A NOSA AULA	
Sementeira 22. Que patio queremos?	Miudiño S. Coop. Galega
Sementeira 23. ARGALLANDO, obradoiro de creación libre con material natural	
Sementeira 24. Sementando futuro: obradoiro de educación ambiental	
Sementeira 25. Pensar coas mans. Xogos de construción	Sistema Lupo
Sementeira 26. Mestra de obra	
Sementeira 27. Arquitecturas vivas	
Sementeira 28A. Arquitectura e xeometría aplicada - Obradoiro de montaxe	PALITROQUES
Sementeira 28B. Arquitectura e xeometría aplicada - Obradoiro de fabricación	
Sementeira 29. Cartografías emocionais	Natalia Campos Ferro
Sementeira 30. CÓMO É O NOSO PATIO? Aproximación á realidade mediante a construción de unha maqueta a escala en caixa de area.	
Sementeira 31. Urbanismo con perspectiva de xénero	
Sementeira 32. Ciscabyte	Luis Carretero Castiñeira
Sementeira 33. HABITAR: niño, refuxio, casa, paisaxe	Elena Belgrano - EduCoHabitar

Descarga [aquí o pdf con todas as Sementeiras](#) explicadas polo miúdo. Débese ter en conta que o **tempo de realización de cada obradoiro e o número de alumnado ao que vai dirixido** indicados nas fichas serán **orientativos**, de modo que se intentarán adaptar ás necesidades e características dos centros participantes.





Prégase ler atentamente a información de cada ficha antes de solicitala, con **especial atención ás provincias onde se oferta**, coloreadas no mapa do ángulo superior dereito, os **niveis do alumnado** ao que vai dirixido e o **número máximo de alumnado** para o que se pode solicitar cada Sementeira.

QUEN AS PODE SOLICITAR

A presente convocatoria está **aberta a todos os centros educativos galegos**, aínda que terán preferencia aqueles especificados segundo os criterios de adxudicación expostos máis abaixo.

COMO PARTICIPAR

Cada centro educativo deberá solicitar un mínimo de 3 Sementeiras, cubrindo este [formulario](#), **no que escollerá entre as opcións indicando a orde de preferencia**. A recepción das solicitudes estará **aberta desde o día 3 até o día 13 de outubro de 2022**.

Criterios de adxudicación dos obradoiros

1. Terán preferencia na adxudicación os centros participantes no Plan Proxecta+ 2021/2022.
2. Terán preferencia na adxudicación os centros públicos sobre os concertados sostidos con fondos públicos, e estes sobre os centros privados.
3. Os centros poderán enviar varias solicitudes, aínda que se priorizará a adxudicación de polo menos unha actividade a cada centro solicitante.
4. En base aos criterios anteriores, as Sementeiras adxudicaranse por orde de chegada da solicitude e por orde de preferencia de cada centro solicitante.
5. Tentarase que cada obradoiro ofertado se realice, polo menos, unha vez nun centro solicitante.

Requisitos dos centros educativos participantes

- Cubrir o [formulario de inscrición](#) **entre o día 3 e o día 13 de outubro** de 2022.
- Asumir o compromiso de desenvolver o obradoiro entre o 17 de outubro e o 3 de decembro de 2022.
- Documentar graficamente o obradoiro. Os centros participantes no programa 18. ProxectoTERRA do Plan Proxecta+ 2022/2023 deberán incluír esta documentación na memoria final do proxecto e o resto de centros deberán enviala a proxectoterra.actividades@coag.es **unha vez realizada a Sementeira**.

Custo das Sementeiras

Non haberá cota de inscrición. Desde ProxectoTERRA **rogamos responsabilidade** por parte dos centros. Estes deberán comprometerse firmemente a desenvolver os obradoiros solicitados no caso de ser concedidos.

A excepción da Sementeira 28B (custo especificado na ficha correspondente), algunhas Sementeiras precisarán que os centros aporten material de papelería/manualidades e algún elemento específico preciso para desenvolver a actividade. Para cada caso, este material especificarase no correo de



adxudicación que reciban os centros unha vez pechada a presente convocatoria. Se nalgún caso a compra de material supón un custo que o centro non pode asumir, farase cargo o ProxectoTERRA.

MOI IMPORTANTE: As actividades do ProxectoTERRA son actividades complementarias, polo que deben ter as aprobacións oportunas por parte do centro. **O alumnado estará sempre baixo a responsabilidade do profesorado do centro**, debendo estar **sempre presente** ao longo das actividades e colaborar coas monitoras no seu desenvolvemento. As monitoras dinamizan e guían as actividades, debendo estar sempre acompañados por profesorado do centro que será o responsable do grupo. **O incumprimento desta condición suporá a suspensión inmediata da actividade.**

Medios de contacto* para calquera dúbida relacionada coa convocatoria:

- Escribindo a proxectoterra.actividades@coag.es
- Chamando ao 676 033 121

***IMPORTANTE:** Nas fichas das diferentes sementeirias dáse un enderezo electrónico de contacto para **consultas específicas sobre os contidos** de cada obradoiro. Para todas as demais cuestións sobre a presente convocatoria deberase contactar con ProxectoTERRA.

REDES SOCIAIS

Se sodes usuarios de Facebook e Twitter, queremos animarvos a que nos sigades a través dos seguintes enlaces:

<https://www.facebook.com/proxectoterra/>

<https://twitter.com/Proxectoterra>

Nos pasados cursos tivemos moitos problemas cos envíos dos correos que contiñan a información sobre os cursos e actividades que ofertamos, e temos certeza de que non lle chegaron a unha gran parte do profesorado. A través das redes sociais poñemos ao voso dispor outro xeito de poder consultar e compartir a información sobre as nosas iniciativas e poder contar coas vosas achegas de xeito moito mais directo.

Recibide unha moi afectuosa aperta do equipo do ProxectoTERRA.

Coordinación das actividades do ProxectoTERRA:

Alberto Fortes Novoa

Sabela Girón Gesteira

Arquitectura en Fronteiras

+34 676 033 121

proxectoterra.actividades@coag.es